


〇 庚



| |
|-------|
| 漢書門 |
| 一三四 |
| 五六三 |
| 九二 |
| 四六 |
| 四 |
| 冊架函號類 |

| |
|--------|
| 內閣文庫 |
| 漢書 |
| 一三四五六三 |
| 九二 |
| 四六 |
| 四 |
| 冊架函號類 |


| |
|-------------|
| 內閣文庫 |
| 番號 漢 12463 |
| 冊數 44 (39) |
| 函號 301 90 |



大學東
校典藉
局之印



赤水玄珠醫案三吳治驗四卷目錄



丘太守令侄筋痿有發明

一書辨下消二

韓僉憲令媳怒後夜卧不安三

韓老夫人夜來臍腹痛甚四

丁春元令即瘡母五

孫令君令媳產後譫語發熱洩瀉六有發明

吳來星先生楊梅風毒七有發明

潘見所老先生小盛价疳積八有發明

凌絳翁痰火吐紅喘嗽

九

周鳳亭濕熱壅滯發熱煩躁

有發明

周采石濕熱生痰痞悶

又令孫女龜背

閣廬樓虛損咳嗽令脊痛風奇疾

有發明

金寄間令堂痢而胸膈膨脹

十四

徐中宇之婦汗出如兩昏又憤又胸膈要人足踹

金達泉令政孕三月而痢赤白

十六

金元岩赤白痢

十七

金達泉瘡痢交作

十八

金寄間少陽陽明合病為瘡

十九

淮陰胡少泉令郎夢遺令愛發熱咳嗽又友人奇

疾

吳氏婦隱疾

有發明

染匠之婦腸癰

二十二

王祖泉臟毒下血

二十三

南都大司馬發熱燥渴

二十四

崔百原公右脇痛右手足痛

二十五

三

四

...

...

...

...

...

共二十

...

...

...

目錄終

赤水玄珠醫案四卷

明新安生生子孫一奎文垣甫輯

門人余煌

泰來

全閱梓

子朋來

三吳治驗

丘太守鎮山翁令姪。淮陰人也。丁年患兩手筋攣。

指掉不能屈伸。臂肉瘦削。體瘠面白。寢食大減。

市中諸友調治無驗。乃任京口諸名家療之。半

三異四卷
年肉更消色更瘁。聞予在吳比部衛中。敷予為治。診其脉六部俱絃重。按稍駛。診竟扣其受病之源。太守公曰。自上年冬底。偶發寒熱。筋骨疼痛。迨於仲春。寒熱雖退。而筋骨之疼不減。服藥無虛日。甚之日。三四進肉漸消去。指掉不隨。但有加於往昔。醫之來者。一曰風。二曰風。三四五六皆曰風。即十數輩。又莫不皆曰風者。竭技盡方。卒無一應。奄奄床第。絕不知為何病。予對公曰。此筋痿症也。乃少年不謹。慾而受風濕邪氣。

乘虛而入。醫者不察天時。不分六經。槩而汗之。仲景治風濕之法。但使微汗津津。則風濕盡去。若汗大出。則風去而濕存。由是血氣俱虛。經云。陽氣者。精則養神。柔則養筋。虛則筋無所養。漸成痿弱。乃不足之疾。故陳無擇朱丹溪劉宗厚皆謂諸痿。切不可作風治。誤則成痼疾。公聞言愕然曰。服風藥幾二百劑矣。顧今已痼。柰之何。予對曰。令姪青年。猶可圖也。公曰。用何法。予曰。法當大補氣血。經云。氣主煦之。血主濡之。氣血

旺則筋柔而軟。由是乃可以束骨而利機關也。抑何掉之有哉。病者聞言大喜曰。聆先生詳病之源。治法之畧。雖未服藥。已覺沉疴去體矣。即請劑。予以五加皮。薏以仁。紅朮。人參。鹿角膠。龜板。虎骨。當歸。丹參。地黃。骨碎。補蒼耳子。之類。服兩月。肌肉漸生。飲食大進。兩手指掉亦平復。

書辦年過五十。糟酒縱慾。無憚。忽患下消之症。一日夜小便二十餘度。清白而長。味甘。少頃。

凝結如脂。色有油光。治半年。不驗。腰膝已下。皆軟弱。載身不起。飲食減半。神色大瘁。脉之六部大而無力。書云。脉至而從。按之不鼓。諸陽皆然。法當溫補下焦。以熟地黃六兩為君。鹿角霜。山茱萸各四兩。桑螵蛸。鹿角膠。人參。白茯苓。枸杞子。遠志。兔絲子。懷山藥各三兩。為臣。益智仁。干西為佐。大附子。桂心各七錢。為使。煉蜜為丸。梧桐子大。每早晚淡鹽湯送下。七八十九不終劑而愈。或曰。凡云消者。皆熱症也。始公具方。人多。

議之。今果以溫補成功。此何故哉。予曰。病由下元不足。無氣升騰於上。故渴而多飲。以飲多。小便亦多也。今大補下元。使陽氣充盛。薰蒸於上。口自不乾。譬之釜蓋。釜雖有水。若底下無火。則水蒸不得上升。釜蓋乾而不潤。必釜底有火。則釜中水氣升騰。薰蒸於上。蓋絕濕潤不乾也。予已詳著醫旨緒餘中。茲不多贅。

魚憲韓約全老先生。令予室。每怒動則夜卧不安。如見鬼魅。小水淋瀝。今又大便秘結。腹中疼痛。

腰疼脹墜如生產狀。坐卧不安。因痛而脉多不。應指此肝經鬱火所致。法當通利。以杏仁、菴仁各三錢、柏樹根皮、山梔仁、青皮各一錢、檳榔五分、枳壳八分。水煎服之。必頃大便通。痛脹隨減。

魚憲韓約全老先生。向來夜分。臍腹疼極。甚必用炒鹽熨之。兩時久乃止。次日必頭痛。兩太陽如箍。遍身亦疼。此上盛下虛症也。先用紫胡、川芎、粉草、酒連、薄荷、天麻、橘紅、茯苓、半夏、蔓荊。

三身四卷
子水煎服數帖頭痛全止惟咳嗽胸前畧痛兩寸脉浮滑而尺弱再用鹿角霜鹿角膠補骨脂遠志枸杞子金鈴子香附子煉蜜為丸梧桐子大每空心及下午食前淡鹽湯送下七八十九而瘳。四

孝廉丁震瀾夫令即絕二歲瘡母上壅咳嗽每午後發熱至子丑時乃退終日啼哭不止驚口白屑神氣大弱瘡後遍身瘡疥未愈多方治之不効有灸之者有刺之者有以膏藥貼之者種種

施之全然不應予曰乳下嬰孩臟腑薄脆不可亂攻亂補參著足以增其嗽灸刺適以驚其神安能取効予教以白朮煎甲各一錢五分青蒿麥芽陳皮各八分烏梅一枚貝母知母各六分甘草三分八帖全愈。五

武進令君孫康宇公子室減位宇夫女也年十六初產女艱苦二日偶感風邪繼食麵餅時師不察竟以參朮投之即大熱謔語口渴汗出如洗氣喘洩瀉瀉皆黃水無糞一日夜不計遍數小

水短少。飲食不進。症甚危惡。時當六月初旬。女
科見熱不除。乃投黃芩芍藥黃連寒涼之劑。諸
症更甚。又以參朮大劑。肉果乾姜等止瀉。一日
計用人參二兩。四錢瀉益頻。熱益劇。喘汗轉加。
譫語不徹。口醫各縛手。辭謝曰。書云。汗出如油。
喘而不休。死症也。又汗出而熱不退。瀉而熱不
止。且譫語神昏。產後而脈洪大。法皆犯逆。無生
路矣。惟附子理中湯。庶微倖於萬一。適予為顧
太守肖溪公延至。即過為一診。六脈亂而無緒。

七八至。獨右關堅硬。躑躅久之。因思暑月汗出
乃常事。但風邪麩食。瘀血皆未消熔。補劑太驟。
書云。蓄血如見鬼。治當消瘀血。麩食解其暑氣。
猶可圖生。勿遽棄也。有臧玉宇者。位宇堂兄也。
醫有雅致。深以予言為然。而速予措劑。予曰。劑
憑症發。難拘常套。不常之症。須用不常之藥。乃
用益元散六錢。解暑氣。清熱為君。仲景云。渴而
小便不利者。當先利其小便。况水瀉尤當用之。
為君也。以糖毬子三錢為臣。紅麩澤蘭葉各一

錢五分消瘀血安魂為佐香附一錢五分為禪
佐橘紅半夏麩茯苓乃統理脾氣為使京三稜
五分消前參朮決其壅滯為先鋒水煎飲之飲
下即稍睡譫語竟止連進二劑其晚大便減半
次日仍用前劑飲之其夜熱大減大便只二次
有黃糞矣惡露畧行黑血數枚又次日診之脉
始有緒神亦收飲進粥一盞大有生意前方減
去京三稜紅麩加白扁豆其夜大便一次所下
皆黑糞從此熱盡退大便亦實改用四君子湯

加益元散青蒿香附白扁豆酒炒白芍藥炮姜
調理而平

吳東星上舍辰州太守公長君也。冒暑赴南甯試
落第歸而怏怏。因成瘡。自八月中旬延至十月
瘡雖止而腰痛白濁。日夜咳嗽。肌肉大消。藥劑
亂投。認為風者。以羌活防風續斷等發散。認為
虛者。以六味地黃丸為補。認為火者。以芩連梔
子黃柏知母天冬粉生地黃瀉其火。認為半虛
半實者。投以獨活寄生湯。認為寒者。以大附子

肉桂鹿角膠參朮溫補之痛劇欲死叫撼四鄰
予脈之左絃細右滑大俱六至口渴眼赤予知
其昔患楊梅瘡餘毒尚伏經絡適因瘡後氣血
不足舊毒感動故痛而暴也以當歸芍藥甘草
牛膝鈎藤以仁木通白蘚皮用土茯苓四兩煎
湯代水煎前藥服下而痛止咳嗽亦除脈緩其
半連服數劑大効精神漸復乃起而督工視事
冬至日為酒與鼓舞縱慾無忌次日腰如束縛
足面亦疼左眼赤小水短足底有火從兩膝直

冲其上痛不可言予以當歸鈎藤甘草白芍藥
牛膝以仁石斛紅朮生地黃栢調理三日症已
守定畧無進退適大雪寒凍殊甚有女醫為渠
宅所親信者因其大便燥結一日夜服玄明粉
一兩五錢大便且不行而腰痛愈猛兩足攣縮
氣息奄奄一語而三換氣面青慘渠自覺危急
廼喚內人及弟叔囑其後事天明予至診之六
脈俱伏痛使然也扣其由乃知服玄明粉所致
予曰症雖熱便雖燥但公病不在腸胃而在經

絡筋骨間徒瀉腸胃無益也且冬月陽氣閉藏
誤瀉則陽氣虧之來春無發生根本矣今四肢
拘縮腰膝痛劇者由日來天令寒極經絡凝澁
也寒主收斂法當溫散寒邪之標使痛定然後
復治其本庶可保全乃用桂心杜仲炙甘草蒼
朮破故紙五加皮連與二劑痛定而四肢柔和
飲食始進予知渠宅素喜速效予適有荆溪之
往迺宣言曰足下之疾在經絡顧今天令嚴寒
幸寧耐以俟春和為足下拔去病根渠宅不以

予言為然迺用張雲溪調理予亦讚張之可守
蓋張氏藥用養血清熱雖不去病亦不害事迨
二月太守公歸迺改用沈春宇沈搗渠必以酒
色而致陰虛迺純用滋陰降火之劑以為旬日
可奏功也及調治月餘畧無影响予從荆溪歸
而謁渠為三月初旬也渠聞予至即以沈藥呈
予且語予公許春和拔除病根此其時也予知
太守公方篤信沈隨以溫語慰渠曰沈公名士
也可使彼展盡底蘊沈又調理半月以無功而

行。沈去。予再_レ以_レ煨腎散進。大瀉五六度。四肢永_レ冷。舉家大恐。以_レ予瀉之為非也。予曰。病從此日減矣。夫奚憂。後進理脾藥。服數帖。神氣始轉。腰膝柔和。可下床。舉數步矣。方始信。而問予曰。人皆以補為治。公何得病源之真。於三月之前。先已預定。節節如_レ公語也。予曰。此楊梅瘡餘毒。伏於經絡。豈補劑所能去哉。予故先為_レ疎通濕熱。然後以_レ補劑收功。則無反覆之患。後仍以_レ葳靈僊。赤子二錢。入猪腰子內煨熟食之。又瀉一二

度。病根盡拔。改用以_レ仁當歸生熟地黃白芍藥牛膝黃栢丹參龜板調理。全安。_七

潘見所老先生有一小盛。价年可_レ十六七。發熱於午後。城中周友以為_レ陰虛而為_レ滋陰降火。服三十餘劑。熱益加。且腹中漸脹。面色清白。仍以_レ六味地黃丸加_レ黃栢知母麥冬五味子之類。又三十劑。而腹大如斗。堅如石。飲食大減。髮黃成穗。額顱光亮。口渴不可言。兩腿大肉消盡。眼大面肉皆消。肌膚枯燥。如_レ松樹皮。奄奄_レ一骷髏耳。予

觀其目之神尚五分存欲為治劑潘公問下諸
人語予曰形症如是死在目下尚可服藥乎予
曰症非死候為用藥者誤耳譬之樹木若根本
壞而枝葉枯焦非力可生今焦枯乃斧斤傷其
枝葉而根本仍在也設灌溉有方猶可冀生安
可遽棄予以神授丹日用一丸煮猪肉四兩飼
之十日腹軟其半熱亦消其半神色漸好潘見
老詰予曰此何症公能肉枯骨如此之神予曰
此疴積症也彼誤認為腎虛而用補陰之藥是

以滯益滯腹為得不大不堅公曰彼純用寒而
熱愈熾君用非寒而熱反退此何說焉予曰此
熱廼濕熱由脾虛所致補陰之劑皆濕類蓋脾
屬土惡濕喜燥今以大薑會丸肥兒丸調理一
月可全瘳矣公曰善微先生此僕已為泉下物
矣八

少司空凌絳泉翁年已古稀原有痰火之疾因正
月上旬為令孫大婚過勞偶占風寒內熱咳嗽
痰中有血血多而痰少痰堅不易出鼻流清水

三十四卷
舌生芒刺色焦黃語言強硬不清大小便不利
喘急不能睡亦不能仰惟坐高椅椅前安棹棹
上安枕日惟額伏枕上而已市醫環治半月不
瘳敦予診之兩手脉浮而洪兩關滑大有力知
其內有積熱痰火為風邪所閱且為怒氣所加
故血上逆議者以高年見紅脉大發熱為懼予
曰此有餘症諸公認為陰虛而為滋陰降火故
不瘳法當先驅中焦痰火積熱然後以地黃補
血等劑收功斯不失先後着也翁以予言為然

用瓜萸石膏各三錢橘紅半夏麩桑白皮前胡
杏仁酒苓紫蘊子水煎臨服加入蘿蔔汁一小
酒盞一劑而血止次日診之脉仍浮而洪大尚
惡寒予曰古云傷風必惡風傷寒必惡寒此其
常也只因先時失於清散表中之熱未徹竟用
滋陰之劑又加童便收斂降下太速以致風寒
鬱而不散故熱愈甚也改以定喘湯一劑而喘
急減半再劑熱退而不惡寒復為診之兩手浮
體已無惟兩關之脉甚鼓指此中焦痰積膠固

已矣。不可不因其時而疎導之。以清中丸全當歸龍會丸共二錢進之。其夜大便所下稠粘穢積甚多。予憶朱丹溪有云。凡哮喘火盛者。以白虎湯加黃連枳實有功。此法正絳翁對腔劑也。與十劑外以清中丸全雙玉丸夜服調理而安九

周鳳亭公年五十有八。正月腸風下血。又飲食過傷。大吐而朱友以枸杞地黃膏一斤進之。不知此公肝氣素盛中焦原有痰積且多思傷脾又

值卯木正旺之月。投以地黃枸杞適以滋其濕而益滯其痰耳。由是飲食減少肌肉日消腹中痞滯。又吳友以歸脾湯進之。詎知濕熱未除先用溫補。是以油撲火勢成燎原。以致大便燥結口乾舌燥。據巳午未三時中焦蒸蒸發熱煩悶酉時而退。此皆濕熱壅滯於脾無疑矣。且面色黃中帶黑。下午足面有浮氣。皆是濕熱傷脾之徵。法宜清肅中焦。徹去濕熱。則飲食自加而新痰不生。宿痰磨去。庶五穀精華不生痰而生血。

矣。血充則精神長而肌肉可復。且秋來無瘡痢之患。公曰：清肅中焦，當用何劑？予曰：二陳湯加薏以仁，酒炒白芍藥、麥芽以養脾而消痰，以枳實、黃連、洩痞而去熱，以青蒿分利陰陽而消其黃。葛根升引清陽之氣，使肌熱清而口渴可止矣。當服十劑。公曰：先生之方善，但枳實、黃連恐體虛者不足以當之。予曰：惟此二味適可以去公之病根，舍是則不效。緣中焦有餘之疾，非此不能去，亦非它藥所能代。公半信半疑，服四劑。

而諸疾皆愈。公遽中止，不復服。完至七月，盡果發痢疾，而以木香、檳榔丸下，去稠積甚多。迺追悔予言而延之診。予教以前方，仍服十劑。夜以丹溪保和丸調理，則永無瘡痢之患矣。十
令即采石先生中焦濕熱生痰，舌悶五更倒飽，且下午兩腹或膝下筋脉抽掣疼痛，時常噯氣，面色帶黃，脚常痠遺。予以清氣大安化痰丸及猪肚丸二方調治，而安猪肚丸用白朮五兩、苦參酒炒二兩、牡蠣煨過三兩為末，將雄猪肚子一

其摘去油甘草湯洗過將藥裝入肚中縫其口
飯中蒸極爛為度搗極勻為丸此方極健脾去
濕熱固精丸也清氣大安化痰丸用白朮四兩
橘紅半夏山查各三兩黃芩黃連俱生薑汁炒
各下兩五錢枳實瓜萸仁各二兩白芥子蘿蔔
子各炒一兩姜黃礞水煮乾一兩青黛五錢麥
芽取麴打糊為丸菜豆大每食後及夜茶送下
二錢十一

令孫女總六歲忽發寒熱一日過後腰脊中命門

穴間骨節腫一塊如大饅頭之狀高三四寸自
此不能平身而立絕不能下地走動如此者半
年人皆以為龜背痼疾莫能措一法即如幼科
治龜背古方治之亦不效予曰此非龜背蓋龜
背在上今在下部必初半乳母放在地上坐早
之過比時筋骨未堅坐久而背曲因受風邪初
不覺其漸入骨節間而生痰涎致令骨節脹滿
而大不急治之必成痼疾今起未久可用萬靈
黑虎比天膏貼之外丹以晚蚕沙醋洗炒熱絹

片包定於膏上帶熱熨之。一夜熨一次。再以葳
靈僂為君。五加皮烏藥紅朮防風獨活。水煎服
之。一月而消其半。骨節柔軟。不復腫硬。便能下
地行走如初矣。人皆以為神奇。此後三箇月。暮
不能行。問之。足膝痠軟。載身不起。故不能行。予
知其病去而下元虛也。用杜仲晚蚕沙五加皮
薏以仁當歸人參牛膝獨活蒼耳子僂茅水煎
服二十劑。行動如故。十二
閱文學。屢樓患虛損咳嗽。晝輕夜重。乃政丁氏長

興富翁女也。軀甚肥。性甚躁。患痛風。手不能沐
櫛。足不能履地。凡痛處。畧腫。呻唵。喊叫。比有朱
遠全氏為時。推重。夫婦倚朱治者。七越月。纖毫
不減。吳九宜翁。廼舉予治。至其家。屢樓大兄岳
樓。旦暮與偕。胗畢。語岳樓曰。令弟之症。雖易見
功。然非百日。不能斷根。丁氏症十日。便可刈其
根。但恐不能盡。吾劑奈何。岳樓曰。何謂也。予曰。
令弟咳嗽。由肺火未清。誤服參朮太過。而然。但
為清肺利肺。咳可立止。止後以補心安神之劑。

三
四
卷

養之則萬全矣。藥用麥門冬、桑白皮、白藥子、貝
母、桔梗、甘草、黃芩、枳壳十帖。咳嗽全止。惟心血
不足，神不固精，以酸棗仁、遠志、麥冬、蓮心丹
參調養百日。果能出戶。肄業丁症，廼濕痰凝滯，
經絡作痛。朱公作血虛而投以地黃芍藥當歸
人參牛膝之類，宜其痛愈加而病愈久也。今必
須燥濕流動之劑。疎決下番，庶經絡通暢。雖不
服補劑，而五穀精華足以自充。但疎決之劑不
能止痛，恐其不予信而中止也。岳樓曰：先生既

已言明，惟命是聽。用二陳湯加烏藥、葉蒼、木僵
蠶、海桐皮、南星，服至五帖，果不擇而欲止。藥岳
樓曰：孫君已先言十帖見功，今過半，何不勉強
而使功虧一篔簹哉？又服一帖而止。百般強之不
從。廼揚言曰：請醫療痛，而反加痛。吾何藥為？後
四劑斷斷乎不敢奉命矣。時已申刻，予知其富
家，嬌態亦不強服。隨以羌活醋炒過三分，海金
沙一分為末，白湯調下。至晚瀉一次，下稠痰半
盆，足痛減大半，稍能動止。初更後，吾輩酒猶未

散忽報云。腹中大痛。促予進看。行至後堂內中。人出而止。曰。病者卒矣。不勞進看。予曰。此必痛厥。非長逝也。烏可不進一看。至即冷汗淋漓。兀坐溺器。面青息斷。執而診之。手冷如水。但六脉俱在。惟沉伏耳。知其為痛極使然。用生姜湯灌之。而甦。徐語近侍女使曰。適來腹中痛甚耳。後火光濺出。肛門如焚。大响一聲。不知瀉下何物。衆看之。廼血鱖一條。長六寸。濶半寸餘。鱗目俱在。盆中尚能遊動。衆皆悚駭。岳樓問曰。此鱖下

可好否。予應之曰。此尤物也。得下豈不好。但丁症實由痰作。予特為行痰。初不知其有虫。如是第藥中有芫荽。廼殺虫之物。故偶中亦令弟之福也。次日手足皆能動。仍以二陳湯加以仁紅荅五加皮四帖。脫然如故。閔宅以予不矜功而益重予。十三

金寄閒令堂。暑月患痢。小腹窘迫。胸膈膨脹。口舌焦渴。右寸關脉洪滑。左脉絃。廼氣鬱食積痢也。先與木香檳榔丸開而下之。微利一二度。因口

渴食西瓜一片即惡心而吐昨日太便利後胸
膈寬快就進飯一碗致腹飽悶兀兀欲吐所吐
皆痰涎迺以溫膽湯加減治之半夏四錢枳實
一錢五分竹茹二錢橘紅茯苓各一錢甘草五
分姜連八分生姜五片水煎服之一飲而胸膈
舒暢便能就枕而睡惡心頓無痢亦尋止 十四

徐中宇之婦汗出如兩昏昏憤憤兩手無所着落
胸要人足喘之不少放少放即昏昏益甚氣促

不能以息稍近風則嘔惡暈厥與九龍鎮心丹
一丸服下即稍定少間則又發始知胸膈中有
物作梗而痛湯水難入即藥僅能吞下口多則
弗能嚥下迺以藜合香丸與之暈厥尋止心痛
始萌昨日六脉俱伏今早六部俱見惟左寸短
金瀉知其痛為瘀血也用玄胡索桃仁丹皮丹參
青皮當歸香附其夜仍暈厥一次由其痛極而
然再與玄胡丹皮桃仁丹參香附青皮烏梅人
參貝母桂枝赤芍藥服此痛減大半迺自云心

虛有熱頭眩加山梔仁居常多夢交之症近更甚以其心虛故也。人參石斛丹參貝母當歸白芍藥酸棗仁酒連香附調理全安。十五

金文學達泉先生令政暑月患痢赤白一日夜三十餘度後重腿急口渴小腹痛孕已三月辛而腰不痛右手脉絃左脉滑與白芍藥三錢黃連黃芩當歸陳皮香附各一錢桂皮木香各五分水煎服外與香連丸服下後重稍輕因進飯太早其夜仍十數度次早診之右絃減半前藥煎

成吞女金丹一帖痢減大半六脉已和但軟弱此氣血不足宜從補養用八珍湯加陳皮香附阿膠條芩一帖全安。凡孕婦痢疾後重稍輕腹痛稍減獨痢不止必須補養血氣為主加調氣之劑為佐庶可保胎斯亦丹溪虛因而痢自止之意也。十六

金元岩文學下午發熱痢下紅多白少一日夜七十餘度後重下墜飲食不思左脉細數右脉滑此陰虛之候詢知二日前曾夢遺續得痢疾陰

虛明矣。但滑脉。主食積。法當先補後攻。廼與小建中湯一帖。白芍藥三錢。桂枝七分。粉草酒連酒苓各八分。當歸一錢。枳即五分。水煎飲之。夜半復診。脉稍充。指改與枳壳三錢。桃仁一錢。當歸四錢。煎熟吞。木香枳即九一錢五分。至天明大便瀉三次。則見糞矣。次日午進飯。又食火肉。隨即大便頻併後重如前。與山查枳朮丸一服。不效。再為診之。六部皆虛軟無力。獨右關滑。此進肉飯太早。脾弱不能消磨。宜健脾氣。兼為升

舉人參黃耆各二錢。白朮一錢。升麻三錢。防風藿香炮姜粉草各五分。白芍藥一錢半。茯苓八分。連進二帖。痢減而後重寬。因食狗肉過多。復傷脾氣。前方加砂仁山查調理全愈。十七

金文學達泉先生。因食肝白腸內傷。續又冒風。就成瘧痢。日夜四十餘度。小腹痛甚。每登廁汗出如雨。下迫後重。小水澀痛。頭疼口渴。下午發熱。天明始退。左脉浮絃而數。右軟弱。中部稍滑。此內傷飲食外感風邪。瘧痢併作法。當速治。否則

深秋陽氣潛藏邪因陷下未易瘳也。迺先與柴
苓湯一劑小便即清不痛瘳發時寒多熱少晚
與人參敗毒散加減人參乾葛防風桂枝粉草
茯苓枳壳各五分柴胡白芍藥各一錢水煎飲
之次日頭痛痢疾俱減夜絕起三次改與補中
益氣湯加酒苓桂枝白芍藥其夜瘳止但微熱
再改胃風湯人參白朮桂皮各二錢白芍藥四
錢當歸一錢五分茯苓川芎各八分酒苓酒連
各一錢炮姜二分地榆五分服後寒熱殄迹夜

起一次。已是真糞前方減去桂枝再三劑而中
櫛出戶矣。十八

金寄間先生七月既望患頭痛口渴汗大洩不飲
嘔惡發寒熱間日一發而發於陽日迺為脘之
兩寸洪大有力左浮絃而數右脉稍軟亦絃長
此少陽與陽明合併為瘳以柴葛解肌湯主之
柴胡葛根各二錢白芍藥石膏各三錢粉草桂
枝各五分知母一錢姜三片水煎飲之次早左
脉稍退迺與補陰鱉血何首烏丸截之又與黃

著芍藥湯一帖以防作痢白芍藥石膏黃耆各
三錢桂枝五分知母粉草各一錢柴胡七分姜
三片煎服後加人參七分瘡竟全止而向安矣
十九

淮陰胡少泉翁麗水縣三尹也。令郎年弱冠患夢
遺百治不應體倦而氣弱食少而汗多四肢痠
軟頭眩肌熱將成瘵疾知予在理刑吳比部衙
中敦予為治其脉兩寸短左寸尤甚餘部滑數
予曰即君之脉心氣大弱蓋心者神之舍神者

精之主神旺始能固精今遺不禁由神弱不能
固攝其精致多妄洩時近端陽諸症叢集迺無
注夏病也法當養心安神庶不成瘵翁曰然前
此諸公每為滋陰降火多不見功徒見損脾減
食今先生主以養神願以先生是聽迺與人參
黃耆石蓮子酸棗仁蓮蓉心石菖蒲遠志當歸
補心安神為君俾精固汗斂經曰汗者心之液
汗多則心血愈虛故佐以甘草白朮黃柏麥門
冬五味子魚治注夏使飲食加而四肢壯緩而

三
圖之可萬全矣。藥進甚妥。竟以此方調理。果精
固神全。肌熱盡退。又令愛及并頭痛微熱。經水
愆期。日多咳嗽。食漸減。肌漸消。口渴。睡卧不寧。
喉中血腥。四肢不勞。而疲體不動。而汗。六脉絃
而且數。左關長出寸口。予以逍遙散加石斛丹
參牡丹皮酸棗仁山梔子麥門冬調理而瘳。又
一文學貧士也。忘其姓氏。與胡少泉翁為碩交。
有奇疾。兩足不痿不痛。每行動絕不聽其所用。
或扭於左而又墜於右。或扭於右而又墜於左。

之玄而行不能一歩。正走此亦目之稀覯。竟
不識為何疾。書無所考。予臆度之。由筋軟不能
秉骨所致。故行動則偏斜。扭墜也。夫筋者肝之
所主。肝屬木。木縱不收。宜益金以制之。用人參
黃耆白芍藥以補肺。金意以仁虎骨龜板杜仲
以壯筋骨。以鉄華粉專制肝木。煉蜜為丸。早晚
服之。別後三載。族姪理問公敬亭南還。道出淮
陰。胡少泉寄語云。向者鉄粉所愈之疾。淮人極
以為奇。遠邇敷錄。其方布傳。以頌。自恨貧儒。弗

能致一片為謝且暮額手南斗以識不忘云

一吳氏頗有隱疾其失訪於予三造門而三不言
怏怏而去後又至未言而面先赭予因詰之曰
諸來詣予者皆謂予能為人決疑瘥急也今子
來者四必有疑于中疑而不露一語雖百來而
疑終不可決疾終不可去矣且盈天地間恠事
甚多非醒智所能盡識然亦非醒智不能通瘥
也彼折肱錄醫說醫鑒等集恠症蝟毛假非明

哲決而治之何以擴後人之聞見也其夫廼俛
首徐應曰言之無任主臣先生長者即言之諒
無哂山婦子戶中突生一物初長可三寸今則
五寸許矣狀如堅筋色赤大可拱把脹而且痛
不便起止憎寒壯熱寢食俱減羞澁于言每求
自盡聞先生能為入決疑瘥恠不啻扁華特相
訪而祈一決予曰疾成幾年對曰將百白予曰
蓋凡所謂恠者耳目無所聞觀書籍無所註載
今所書者廼陰挺症也書有所徵奚足言恠夫

曰陰挺何自而生何法而治幾何月自而可愈也。可無妨于生育否。予曰子戶屬厥陰肝經肝屬木。肝有濕熱故生陰挺。猶木有濕熱而生蠹。然法當以龍胆瀉肝湯及蟬皮散。當歸黃芩牡蠣蛻皮赤芍藥為末。每用二錢。空心米飲調下。即而治之。大計月餘可消釋也。奚生育之有妨哉。其夫合手頂禮於地曰。願如藥王言。敢微一料。隨按法。措劑界之。而去甫三月來報云。前疾果如所言。消釋無痕。茲為汛期一月不至。敢問。

予曰此有身也。夫曰疾纔愈未必即能受身。恐防他疾。予曰前恙迺肝經有餘之疾。肝為血海。書云女人血盛則懷胎。據血盛行當先期。今汛踰期實多耳。匪病也。後果足月而產一子。二十

前垢一染匠之婦腹痛兩月矣。或以為寒為熱為氣為虛為食積為虫。逆嘗試之。轉加一醫與膏藥如斗大者一個。滿腹貼之。痛益劇。迺揭去膏藥。即粘牢不可起。火煎油調百計不能脫分寸。

如生在肉上相顛無可奈何知予在吳鄉官宅
中迺買舟就予眡及抵吳門轎口匠偕迺母迺
姑四人儘力扶挽絕不能動移一步岬上環視
如堵莫不語匠曰病執若此時刻難祇固迺強
其起而欲汚吾轎口匠迺止婦舟中起而懇
予為治至舟中見其面色蒼黑及伸手求眡皮
膚燥若老松樹皮之狀六脉皆洪數問其腹中
之痛何在匠即為解衣露腹指其痛所始知膏
藥粘牢之故此其希觀叩其不能舉步之由婦

曰非力弱不能行迺左脚不可動動即痛應於
心是以一步不能舉也予俛思若色若脉皆非
死候胡治而益劇也此必腸癰左脚莫能舉是
其徵也與營衛返魂湯加金銀荅為君與四帖
酒水各一碗煎服一帖痛稍減二帖下臭膿半
桶痛全減腹上膏藥不須手揭自脫而下由執
去而膏脫也四帖完其婦同匠詣吳宅拜謝予
并求善後之方吳宅見之一族皆驚二十二
王祖泉大使稟急後重腹痛日夜下紫黑稠粘三

四十度市中凡有名者雷同痢治自秋歷冬三
 越月不瘳形色瘦瘁匙筮厭舉即勉強僅一盞
 而止眼闔懶開悉以為不治棄去訪予脉之六
 部濡弱觀其所下之色甚晦如芋苗汁之狀予
 曰觀此色非痢廼臟毒下血症醫說中人参樗
 皮散正此對腔劑也即製與之其夜果減半終
 劑全愈方以人参樗根白皮各二兩為末每空
 心米飲調服二錢忌肉汁生菜魚腥九十四
 癸巳秋仲南都大司馬袁洪溪老先生以兼署工

部都察院操江印日衝暑往來各衙門而經畧
 其政事致發熱燥渴因解燥渴而過食冰浸瓜
 梨新藕遂成洩瀉小水短少醫以胃苓湯加滑
 石木通車前子利之而瀉止大便又因之結燥
 艱澁不堪廼用潤腸丸復瀉不止又進以前通
 利之劑瀉雖止而小水竟不得流通直遂臍下
 脹急立起解之則點滴不出卧則流之不竭以
 頻取夜壺致通宵不得寐也治半月餘而精神
 削寢食廢聞予寓崔敷部衙而徵予治初見即

告以受病之源。又謂都城諸醫俱不識為何症。將認為癰。則立解時。點滴不出。認為秘。則則涓涓而流。謂為脾約。大便又不結燥。謂氣虛下陷。心血不足。而補中益氣湯。與安神丸。服過十晝夜。無益。雅聞先生。高手。願一診。以決之。探其脉。兩寸短弱。關緩大。兩尺洪大。語之曰。此餘暑未解。而司馬素善飲。濕熱流於下部也。今已下午。恐診之未準。俟明早。細察而再定方。公曰。延頸。吾子久矣。適所言近。但願亟求一劑。飲之。徹夜。

間一睡。予不得已。以益元散三錢煎香薷湯進之。暑無進退。次早復診。六脉如昨。予思之而恍然。悟又語之曰。此症尿竅不對也。司馬曰。名出何書。予曰。內經云。膀胱者。脬之室也。脬中濕熱下墜。故立解而竅不對。小水因不得出。則則脬不下。墜而尿滲出。膀胱亦以竅不對。小水雖涓涓而流。亦不能通達。直遂故了。而不了也。治惟提補上中二焦元氣。兼清下焦濕熱。斯得矣。又有一法。今氣虛下陷已久。一兩劑未能取效。安

得伏枕而睡且此不寐非心血不足之故因着
心防閑小使之了而不了而不敢寐也暫將舊
衣或布襯於席上不必防而任其流出又免取
夜器而勞動其神自然熟睡矣以補中益氣湯
提補上中二焦之元氣加黃柏知母祛下焦之
濕熱夫清陽升則濁陰自降脬無濕熱則不下
墜竅可對而病可瘳矣司馬忻然請藥夜如法
視之果嗒然一睡相忘其尿之出不出也次早
視襯布雖濕而不甚以久不闔目得此一睡神

氣頓回胸臆爽快如未病者調理四日而病全
安司馬大喜而欲留久住緣漕運李公相延之
亟弗克也差大馬舡鼓吹送予阡關而還 二
三

崔百原公者河南人也年餘四十矣而為南敷部
郎患右脇痛右手足筋骨俱痛艱於舉動者三
月諸醫作偏風治之不効馳書邑大夫祝公徵
予治予至視其色蒼其神固性多躁急診其脉
左絃數右滑數時當仲秋予曰此濕痰風熱為

痺也。脈之滑為痰，絃為風，數為熱，澁為濕。生痰痰生熱，熱壅經絡，傷其營衛，變為風也。公曰：君何以治？予曰：痰在經絡，雖不害事，然非假歲月不能愈也。隨與二陳湯，加鈎藤、蒼耳子、薏以仁、紅苓、五加皮、秦艽、歲靈、儂黃、芩竹、瀝姜汁飲之。數日手足之痛稍減，而脇痛如舊。再加鬱金、川芎、白芥子，痛俱稍安。予以赴漕運，李公召而行，速勸公請假，緩治。因囑其慎怒，內觀以需藥。力公曰：內觀何為主？予曰：平心。公曰：儒以平心為脩

身先務，每苦工夫無下手處。予曰：正之為義，一止而已。止於一，則靜定而妄念不生。宋儒所謂主靜，又曰：看喜怒哀樂未發以前作何氣象。釋氏之止觀，老子之了得一萬事畢，皆此義也。孟子所謂有事勿正，勿忘勿助長，是其工夫節度也。公曰：吾知止矣。遂上疏請告。予錄前方畀之北歸。如法調養，半年而病根盡除。九十六

